



CHIESA EVANGELICA RIFORMATA
GRIGIONESE
BASEL GIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
HOMEPAGE www.graubuenden-reformiert.ch

Publicaziun nr. 670

Primavaira 2016

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

I. Consultaziun	4
1. Tractandas	4
II. Communicaziuns ed enquistas dal Cussegl da baselgia	4
2. Propostas d'elecziun per mauns dal Cussegl grond evangelic	4
3. Revisiun da la constituziun da la baselgia	5
4. Certificat «Grüner Güggel / cot verd» per plaivs conscientas da l'ambient	6
5. Infurmaziuns diaconia sociala	7
6. Palliative Care: concept 2016-2018	8
7. Giubileum da la refurma	11
III. Rapports colloquials	12
8. <i>Furmar</i> la raspada	12
9. Provisiuns	12
10. Renovaziun da permissiuns per predicatur(a)s laic(a)s	13
11. Visitaziuns d'archiv	14
12. Lavur en la diaspora	14
13. Organisaziun da l'instrucziun da religiun 2016/2017	15
14. Moziuns, intimaziuns e propostas	16

IV. Diversas infurmaziuns	17
15. Resumaziun dals resultats dals colloquis d'atun	17
16. Occurrenzas colloquialas	20
17. Giubileums	22
18. Chalender da las collectas 2016	23
19. Proceder tar pravendas vacantas	23
20. Sessiuns dal Cussegl grond evangelic 2016	24
21. Sesidas dal Cussegl da baselgia 2016	24
22. Termins dals colloquis da primavaira 2016	25
23. Termins dals colloquis d'atun 2016	25
24. Spediziun dals protocols colloquials	25
Agiunta (adressas)	27

I. Consultaziun

1. Tractandas

I na dat naginas tractandas.

II. Communicaziuns ed enquistas dal Cussegl da baselgia

2. Propostas d'elecziun per mauns dal Cussegl grond evangelic

Commembers na-sinodals dal Cussegl da baselgia 2017/20

Ils 1. schaner 2017 cumenza la proxima perioda d'uffizi per ils commembers dal Cussegl da baselgia. Il Cussegl grond evangelic elegia resp. reelegia ils quatter commembers na-sinodals en la sessiun da zercladur/gün.


Fin a la messa en stampa da questa publicaziun è vegnida enconuschenta la sequenta demissiun::

- Cussegl-baselgia Christoph Jaag, Schiers, colloqui IX Partenz, schef departament 3 «finanzas»

Ils ulteriurs cussegls-baselgia èn cun quai proponids a la reelecziun:

- President dal Cussegl da baselgia Andreas Thöny, Landquart, colloqui V, schef departament 0 «chaussas presidialas» e departament 5 «cumissiuns ed ovras en il Grischun»

- Cussegl-baselgia dr. Frank Schuler, Chur, colloqui IV, schef departament 2 «structuras e dretg»
- Barbara Hirsbrunner, Scharans, colloqui III Sut igl Uaul, scheffa departament 6 «missiun, ecumena e collavuraziun al svilup»



En sia sessiun da primavaira ha il Cussegl grond evangelic d'eleger quatter commembers dal Cussegl da baselgia. Cun il protocol pon ils colloquis inoltrar propostas.

Cumissiun preparatorica dal Cussegl grond evangelic per la tractanda «Decret d'ina lescha e d'in'ordinaziun davart las finanzas da la Chascha evangelica chantunala e da las plaivs»

En la sessiun da primavaira dal Cussegl grond evangelic èsi d'eleger ina cumissiun preparatorica per la tractanda «Decret d'ina lescha e d'in'ordinaziun davart las finanzas da la Chascha evangelica chantunala e da las plaivs».



Las propostas dals colloquis cun num ed adressa precisa dals proponids èsi da scriver en il protocol colloquial.

3. Revisiun da la constituziun da la baselgia

La cumissiun per la revisiun da la constituziun nominada dal Cussegl grond evangelic e dal Cussegl da baselgia ha accumulà per gronda part sia incumbensa ed ha suttamess al Cussegl da baselgia in sboz surlavurà per la constituziun.

La deliberaziun en il Cussegl da baselgia è quasi finida. Enfin mars 2016 duai il sboz repassà esser pront per la consultaziun en ils colloquis ed en las plaivs. Las

dimensiuns dal sboz e dal rapport cun explicaziuns èn dentant memias grondas per questa publicaziun e vegnan tramess separadamain. En occasiun dals colloquis da primavaira èsi surtut da planisar las consultaziuns colloquialas, uschia che las posiziuns definitivas dals colloquis possian vegnir deliberadas enfin l'atun 2016. Suenter po la sinoda prender posiziun, ed il Cussegl grond evangelic po discutir il sboz dal 2017.

Il Cussegl da baselgia planisescha differentas occurrenzas d'infurmaziun regionalas per introducir personas interessadas en il process da la revisiun da la constituziun e per sclerir dumondas. En pli èn ils commembers dal Cussegl da baselgia sco er ils commembers da la cumissiun per la constituziun gugent prontos da dar pled e fatg tar las discussiuns en ils colloquis.

4. Certificat «Grüner Güggel / cot verd» per plaivs conscientas da l'ambient

Sin il livel politic survegnan tematicas da l'ambient sco la midada sin il sector da l'energia 2050 adina dapli pais. La baselgia evangelica reformada dal chantun vesa en il mantegniment da la creaziun in' incumbensa ecclesiastica per mantegnair la basa da viver dals umans.

En il cumond als umans da cultivar e da mantegnair l'iert Eden (Gen 2,15) ha questa persvasiun ina basa biblica.

«oeku Kirche und Umwelt» ha quest atun surdat a las emprimas plaivs en Svizra la reconuschienscha «Kirchliches Umweltmanagement Grüner Güggel». Quest certificat da l'ambient survegnan plaivs che realiseschan consequentamain la protecziun da l'ambient.



Il Cussegl da baselgia tschertga plaivs da pilot che han l'intenziun da s' engaschar pli intensivamain cun dumondas da l'ambient. Ina tala plaiv nominescha in team per l'ambient che cun agid d'in program da 10 pass lavura consequentamain en direcziun d'ina certificaziun, p.ex. cun la reducziun dal consum d'energia u da palpiri u tras midaments tar la cumpra da vivondas e da products da nettegiar. Cun mesiras concretas po l'impronta ecologia d'ina plaiv vegnir empitschnida substanzialmain.

5. Infurmaziuns diaconia sociala

In diacon social resp. ina diacona sociala che vul vegnir impiegà/da en la Baselia evangelica reformada dal chantun Grischun, dovra ina scolaziun renconuschida da la Conferenza diaconala da la Svizra tudestga. D'ina vart cumpiglia quella ina furmaziun sociala professiunala (p.ex. lavur sociala, pedagogia sociala u animaziun socioculturala silmain sin il nivel d'ina scola auta specialisada), d'otra vart cumpiglia ella ina qualificaziun ecclesiastica teologica che correspunda a las pretaisas minimalas da la conferenza diaconala.

Dal 2016 offreschan la Scol'auta per l'animaziun da la plaiv a Lucerna ed il Seminari teologic diaconal ad Aarau per l'emprima giada scolaziuns per il titel federal "animaturA da plaiv dipl. HF". En la scolaziun da quatter onns al Seminari teologic diaconal (sco studi a temp cumplain cun praticas u complementar a la professiun) è integrada la qualificaziun ecclesiastica teologica ed ina scolaziun catechetica che vegn renconuschida da las pli bleras baselgias chantunalas. Tar la scolaziun complementara a la professiun a Lucerna che va er quatter onns, sto la

qualificaziun ecclesiastica teologica per in engaschament sco diacon social resp. diacona sociala vegnir acquistada separadamain. Per persunas cun furmaziun preliminar (p.ex. specialista d'assistenza) sa reducescha il temp da studi a Lucerna sin trais onns.

La scolaziun sco animaturA da plaiv sa drizza a persunas che lavuran cun uffants e giuvenils, cun seniors u en projects d'interconnexiun u d'integraziun u sumegliant. Ulteriuras infurmaziuns tar las novas furmaziuns chattan ins en la rait (adressas d'internet en l'aggiunta).

Tut las furmaziuns al diacon sociala resp. diacona sociala dovran plazzas d'emprendissadi per la scolaziun complementara a la professiun u plazzas da praticum per il studi a temp cumplain - p.ex. en las plaivs.

6. Palliative Care: concept 2016-2018

Il Cussegl grond evangelic ha il november 2015 decis d'integrar Palliative Care en l'art. 22 dal urden 210 davart la Vita ed organisaziun da la plaiv.

Cun il nov budget ha il Cussegl da baselgia infurmà il Cussegl grond evangelic davart il concept da realisaziun planisà:

1. Finamira

En ils colloquis u er tranter ils colloquis vegnan dal 2016-2018 creadas raits sin il sector da Palliative Care. La mira da quellas raits è che l'integraziun dal personal da pastoraziun en ils teams da tgira funcziuneschia en il mintgadi, tant en il sector ambulat sco er en il sector staziunar.

2. Finanziaziun

Per quai budgetescha la baselgia chantunala mintg'on CHF 50'000.–, total CHF 150'000.– per ils onns 2016 fin 2018. Il sustegn finanziel da la baselgia chantunala è in agid da partenza e guida da metter ad ir structures ecclesiasticas regionalas efficientas e n'è betg destinà per occurrenzas en il rom da Palliative Care. Il sustegn da vart da la baselgia chantunala finescha la fin da l'onn 2018. Suenter duai il Palliative Care ecclesiastic vegnir finanzià tras las plaivs resp. ils colloquis.

3. Criteris per survegnir contribuziuns per projects colloquials:

3.1. Ils colloquis numnan ils manaders dal project. Lur indemnizaziun è ina part dal budget.

3.2. Inoltrar in project cun ils puncts sequents:

- Inventar da las purschidas regionalas da Palliative Care gia existentas. La societad palliative gr pudess gidar sco post da consultaziun.
- Numnar las miras: concretizaziun colloquiala da «1. Finamira». Furmas da servetsch da pichet ed in spezial numer da telefon ecclesiastic èn sa verifitgads.
- Numnar ils ristgs.
- Descriver il proceder planisà: Mussar co e cun quals purschiders stazionars (ospitals, asils) ch'i vegn tschertgà ina furma da collavuraziun. En il cas ideal exista in center da sanadad regional che porscha u coordinescha er Palliative Care. En pli duai vegnir mussà cun quals purschiders ambulants (spitex,

medis, servetsch transitoric, organisaziuns da voluntaris) ch'i vegn tschertgà ina furma da collavuraziun.

- Budget detaglià
- Numnar las resursas planisadas
- Planisaziun dal temp cun terms impurtants
- Rapport final

3.3. Decider sche e co ch'i vegn collavurà cun plaivs catolicas .

3.4. Determinar il basegn da perfecziunament en Palliative Care

Nagins criteris e perquai er betg finanziabels sur quest project tras la baselgia chantunala èn

- occurrenzas da sensibilisaziun e d'infurmaziun sco er purschidas tematicas
- novas structuradas d'organisaziun supplementarmain a quellas gia existentas (structuradas parallelas)

4. Organisaziun

Il gremi da direcziun è ina gruppa directiva che consista dal president resp. la presidenta dal Cussegl da baselgia chantunal, dal manader resp. la manadra dal post specialisà «Gemeindeentwicklung 2» sco d'ina persuna cumpetenta incumbensada. Il Cussegl da baselgia ha incumbensà rev. Susanna Meyer Kunz. Ella è versada en Palliative Care e sustegna e cusseglia sin giavisch ils colloquis. Ad ella stattan a disposiziun ulteriuras personas che han tutt'finidas ina furmaziun en Palliative Care.

L'administraziun da la baselgia chantunala stat a disposiziun a la gruppa directiva.

5. Evaluaziun

Il colloqui rapportan dal 2016-2018 mintg'onn sur da l'andament da lur project.

Cur ch'il project è a fin, dat mintga colloqui in rapport a maun dal Cussegl da baselgia. Lura evaluescha il Cussegl da baselgia la realisaziun dal concept da la baselgia chantunala. El decida sche Palliative Care en spezial u pastoraziun en general (en la raspada u en funcziuns spezialas) duai vegnir agiunt als servetschs da la baselgia chantunala per segirar cussegliaziun, coordinaziun e perfecziunament.

7. Giubileum da la refurma

Per il giubileum da la refurma èn planisadas da l'onn 2017 davent numerusas activitads ch'ins po vesair sin la pagina d'internet da la baselgia chantunala.

Il cumenzament da las festivitads da giubileum en il chantun Grischun è la sonda, ils 14 schaner 2017. Quel di sa ferma a Cuir in camiun pesant che collia sin ses viadi tras l'Europa 68 citads da la refurma. La tematica cuminaivla è: "Istorgia en viadi". Dapertut vegnan raquintadas istorgias che han da far cun lieus, temas e persunas da la refurma. Per quai tschertga la gruppa da lavur per il giubileum da la refurma Voss raquints! Quai pon esser istorgias persunalas che tematiseschan in'episoda or da l'atgna vita reformada (p.ex ina situaziun dal temp da scola u da confirmaziun, u dal contact cun

autras confessiuns u religiuns). U i po esser in'istorgia da la plaiv u da la vischnanca, da l'edifizi da la baselgia, da las tradiziuns reformadas, da persunalitads spezialas u da conflicts religios.



La grupp da lavur supplitgescha da scriver si tals raquints tar la vita reformada locala e d'als ramassar cun num ed adressa sur las pravendas ed ils presidis dals colloquis. Talas istorgias duai ins pudair preleger entaifer ina e quatter minutas. Enfin al fanadur/lügl 2016 pon ellas vegnir inoltradas en tuttas linguas chantunals. Questa collecziun duai dar in' impressiun autentica da l'istorgia multifara da la reforma en il Grischun: per indigens e per giasts che vegnan or da quel motiv il schaner 2017 a Cuir, sco er per l'entir public european en las ulteriuras 67 citads da la reforma.

III. Rapports colloquials

8. *Furmar la raspada*

Questa tractanda serva al barat d'ideas davart projects da *Furmar la raspada* planisads u gia realisads en las corporaziuns dal colloqui, per far enconuscent quels sur las corporaziuns ora.

9. **Provisiuns**

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questa provisiun. Il rapport va ensemen cun

il protocol colloquial al Cussegl da baselgia (guarda constituziun da la baselgia 100 art. 21, cifra 6).

10. Renovaziun da permissiuns per predicatur(a)s laic(a)s

En il „Reglament davart la permissiun al servetsch pastoral en il Grischun” (910) vegn reglà en art. 13 il surpigliar da tscherts servetschs uffizials tras laics resp. laicas. Sco cumplettaziun da l’art. 13 ha il Cussegl da baselgia decretà l’urden 910A.

Il Cussegl da baselgia dat la permissiun a predicaturs laics, resp. predicaturas laicas, sch’ina plaiv propona in/-a da ses commembers e sch’il colloqui decida tras scrutini da surdar la proposta al Cussegl da baselgia. Avant la votaziun han ils candidats resp. las candidatas da sa preschentar al colloqui cun in curs da la vita. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun. Perquai dovra il Cussegl da baselgia en il protocol la posiziun dals colloquis pertutgants, per pudair renovar las suandantas permissiuns per predicaturs laics. La renovaziun succeda en la tschentada da fanadur dal Cussegl da baselgia.

Coll. III: Käthy Heitz-Frey, Thusis

Coll. VII: Othmar Lässer, Samedan

11. Visitaziuns d'archiv

Tar mintga midada en la pravenda èsi da far ina *visitaziun d'archivs extraordinaria* da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis dad esser attentas ch'il president da la cumissiun d'archivs, rev. Kurt Bosshard, vegnia infurmà, *avant che in u ina reverenda u provisur(a) fa midada* (adressa en l'aggiunta). La plaiv paja la visitaziun tenor reglament 821.

L'onn 2015 han ils colloquis manà tras la visitaziun ordinaria dals archivs da la plaiv e dals archivs da la pravenda. La gronda part dals archivs han ins chattà en bun u fitg bun urden, tar in pèr paucs fai basegn da meglieraziuns.

La cumissiun d'archivs engrazia als colloquis e surtut a las visitaturas ed als visitaturs per lur engaschament. Ils archivs da las raspadas n'èn betg be impurtants per la lavur da mintgadi ed or da motivs giuridics. En pli èn els la memoria da las plaivs ed èn da valor istorica. I vala la paina da tgirar ils archivs permanentamain.

12. Lavur en la diaspora

Tenor art. 8 dal „Reglament davart la commembranza ecclesiastica da concretaivels evangelics en vischnancas politicas senza plaiv evangelica (reglament per las diasporas)” han ils / las reverendas da plaivs cun incumbensas en diasporas da rapportar al colloqui da primavaira sur da lur lavur en la diaspora. Ina copia da

mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

13. Organisaziun da l'instrucziun da religiun 2016/2017

Ils colloquis surveglian e coordineschan l'instrucziun da religiun en las plaivs.

Per ch'ils colloquis possian ademplir lur incumbensa, èsi d'infurmar els a temp davart eventualas difficultads ch'i dat en las plaivs cun observar las ordinaziuns legalas.

Il Cussegl da baselgia supplitgescha perquai ils colloquis da dumandar ses commembers en occasiun da la sesida da primavaira, sch'i dat en las plaivs difficultads areguard l'instrucziun da religiun dal proxim onn scolastic. Plaivs cun talas difficultads èsi d'infurmar davart l'agid che la baselgia chantunala porscha cun il post spezialisà per l'instrucziun da religiun (adressa en l'agiunta). D'otra vart vegn la manadra dal post spezialisà infurmà da la situaziun tras il protocol. Ella po prender si contact cun ils responsabels da las plaivs, per ch'ils problems possian vegnir schliads sin il cumenzament dal nov onn da scola.

Il Cussegl da baselgia tira endament ch'en tut las scolas èsi d'observar ils reglaments legalis per dar l'instrucziun da religiun.

Sche plaivs tschertgan anc catechet(a)s per l'onn da scola 2016/17, renda il Cussegl da baselgia attent a la bursa da plazzas d'instrucziun da religiun sin la homepage da la baselgia chantunala (adressa en l'agiunta).

14. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.
- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tschert sector.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselia accepta *moziuns*, vegnan quellas suttamessas als colloquis ed a la sinoda per la consultaziun. Suenter vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselia refusa moziuns, motivescha el quai en il rapport uffizial.

Sch'il Cussegl da baselia accepta *intimaziuns* e *propostas*, ha el la pussibilità da vegnir sez activ en il senn da quellas. Sch'il Cussegl da baselia refusa intimaziuns e propostas, motivescha el quai en il rapport uffizial.

IV. Diversas infurmaziuns

15. Resumaziun dals resultats dals colloquis d'atun

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas, sco er da las moziuns, propostas ed intimaziuns al Cussegl da baselgia.

Las sequentas propostas èn vegnidas sutmessas al Cussegl da baselgia:

Il colloqui VI propona da betg pli trametter las infurmaziuns davart las collectas sin palpieri a tut las pravendas. Tgi che giavischa quellas, duai s'annunziar tar l'administraziun.

Il Cussegl da baselgia e l'administraziun acceptan la proposta dal colloqui VI. S'enter ch'il Cussegl grond evangelic las ha acceptà vegn la glista cun las collectas annualas chantunales en avegnir tramess per e-mail a las pravendas ed als presidis da las plaivs.

Las cassieras ed ils cassiers da las collectas enconuschents a la baselgia chantunala survegnan la glista cun ils cedels da pajament correspundents per posta.

Ils texts tar las singulas collectas va be anc per e-mail als reverendas e cassiers da collectas.

Ins po chargiar giu la glista annuala e las infurmaziuns tar las singulas collectas da la homepage da la baselgia chantunala (adressa en l'aggiunta).

Il colloqui VII supplitgescha il Cussegl da baselgia “da dar al moviment da fugitivs ina fatscha umana”. Supplementarmain a l’engaschament d’ enfin qua duai la baselgia chantunala auzar sia vusch publicamain per solidaritad ed ospitalitad envers fugitivs. Ella duai urgentamain ponderar ed elavurar propostas e mesiras adattadas davart pussibilitads d’admissiun da fugitivs en il Grischun per sustegnair las plaivs en lur intenziuns da darentar activas envers fugitivs.

Il Cussegl da baselgia beneventescha che blers umans engaschads en la baselgia fan lur ponderaziuns davart las tematicas impurtantas “migraziun” ed “asil”.

Las sfidas las pli impurtantas per fugitivs èn:

- tschertgar in’ abitaziun
- emprender la lingua tudestga
- ademplir il mintgadi
- s’integrar en il martgà da lavur
- s’integrar socialmain

La confederaziun, ils chantuns e las vischnancas sustegnan quests process cun mesiras d’integraziun specificas. Il Cussegl da baselgia emprova tar sias decisiuns sin ils differents levels da mussar solidaritad e da s’engaschar per requirents d’asil e migrants.

En quest senn sustegna ed infurmescha il post spezialisà MIF las plaivs en dumondas davart l’asil e tar l’accompagnament da requirents cun in status d’asil reconuschì. Questa purschida vegn bain tratg’ a niz.

Il Cussegl grond evangelic ha decis il november 2015 d'auzar il budget per il post spezialisà per migraziun, integraziun e fugitivs (MIF) per dus onns per CHF 15'000. Quai correspunda ad in augment da quest post da 30 sin 40 pertschient.

Il Cussegl da baselgia è en contact cun ils posts responsabels dal chantun Grischun. En collavuraziun cun il post spezialisà per migraziun, integraziun e fugitivs (MIF), la cumissiun MIF ed il post spezialisà Integraziun GR vegn inizià ina survista da la multifariadad religiosa e culturala en il chantun. In tema central è il dialog interreligiùs. Il Cussegl da baselgia vegn er a s'occupar cun la charta da migraziun da la gruppa «KircheNordSüdUntenLinks».

La baselgia evangelica reformada è participada a l'uffizi da consulenza giuridica e sustegna questa lavur finanzialmain. I vegn tiers il sustegn finanziàl tras collectas e donaziuns a las ovras d'agid.

Ulteriuras indicaziuns detagliadas pon ins leger sin la homepage da la baselgia chantunala (adressa en l'aggiunta).

Il colloqui IX intimescha da concepir nov "las tavlas dals numms per reverendas che en incumbensa da lur plaiv fan visita a pazients". Quellas survegnan tut ils collavuratur ecclesiastics che han l'incumbensa da far visitas en ospitals ed asils. Il logo da la baselgia evangelica reformada ch'els pli paucs impiegads da l'ospital conuschan vegn pli pitschen, il num dentant bler pli grond (sin las tavlas actualas legibel pir davent d'in mez meter distanza).

I vegn sclerì sch'i vegnia giavischè er ina foto. I vegn recumandà urgentamain da purtar las tavlas. La baselgia catolica vegn contactada areguard tavlas correspudentas.

Il Cussegl da baselgia accepta l'intimaziun dal colloqui IX. L'administraziun concepescha tavlas, nua ch'il num e la funcziun è scritta pli grond sco fin ussa. Or da motivs da la piazza vegn laschè davent "reverenda en incumbensa da sia plaiv fa visita a pazients". Quai resorta dal context cun purtar la tavla tar visitas a l'ospital. Uschia po la tavla er vegnir duvrada en autras occasiuns e er da reverendas che na lavuran betg en ina plaiv.

Temas da las conferenzas pastoralas

In colloqui na vi betg pli inditgar ils temas da las conferenzas pastoralas. Quai saja ina lavur administrativa memia gronda ed ils reverendas n'hajan betg da render quint a la baselgia chantunala mabain a lur plaivs.

Il Cussegl da baselgia regorda ch'i sa tracta d'in giavisch da las conferenzas pastoralas per survegnir intimaziuns per l'atgna lavur. Il Cussegl da baselgia supplitgescha perquai tut ils colloquis d'inditgar er en l'avegnir ils temas da las conferenzas pastoralas.

16. Occurrenzas colloquialas

Colloqui I Sur igl Uaul

- 29.10.2014: conferenza pastorala (planisaziun barat da chanzla e remplazzament da vacanzas 2015)
- 02.12.2014: dieta d'atun da la conferenza evangelica Gruob e conturns ("Vita en l'equiliber – stress na sto betg esser")

- 28.01.2015: conferenza pastorala (Co infurmain nus tar mortoris da sinodals; cults divins commemorativs individuals)
- 10.03.2015: conferenza pastorala (preparaziun da la festa ecclesiastica; info servetsch transitoric palliativ)
- 14.05.2015: festa ecclesiastica a Tumein
- 17.06.2015: conferenza pastorala cun tschaina
- 29.08.2015: spassegiada pastorala

Colloqui II Schons-Avers-Val Rain-Mesauc

- 30.08.2015: Dieta evangelica sin il chastè da Mesauc
- regularmain conferenzas pastoralas (tema: «Dal battaisem al funeral»)

Colloqui III Sut igl Uaul

- conferenza pastorala (organisaziun servetsch da pichet per l'ospital)
- Cult divin da Tschuncaisma colloquial ad Almens, cun Sontga Tschaina, gentar cuminaivel e represchentaziun dal «Very little Circus»
- 02.-03.10.2015: participaziun dal colloqui a l'occurrentza «Unter Null». En la cripta da la baselgia da Tusaun è vegnì infurmà davart Missiun 21 ed ins ha fatg cuminaivlamain guaflas.

Colloqui IV Cuir

- naginas comunicaziuns

Colloqui V Signuradi-Tschintg vitgs

- 18.02.2015: conferenza pastorala (collavuraziun ecumenica en las plaivs dal colloqui)
- 27.08.2015: conferenza pastorala (relaziun battaisem – benedicziun)

Colloqui VI Scanvetg-Churwalden

- conferenza pastorala (dumondas organisatoricas)

Colloqui VII Engiadin'Ota-Bregaglia-Poschiavo-Sursés

- 19.11.2014: conferenza pastorala (reverenda: rolla cumpetenz, responsablidad, concorrenza)
- 23.03.2015: conferenza pastorala (cuntuaziun da la discussiun davart il reverenda en sinoda, plaiv e baselgia chantunala; studi svizzer da l'universitad da Turitg davart la lavur cun confirmands)
- 15.06.2015: conferenza pastorala (cuntuaziun da la discussiun davart il reverenda; lavur cun confirmands en il colloqui; occurrenz cuminaivlas; cult divin d'atelier 2016 e giubileum da la refurma en il colloqui)

Colloqui VIII Engiadina Bassa-Val Müstair

- Di da las raspadas a Susch en connex cun il giubileum da 500 onns baselgia San Jon

Colloqui IX Partenz

- 10.09.2014: conferenza pastorala (referat «Murir or da vista medicinica »)
- 18.02.2015: conferenza pastorala (visita a la firma Trumpf a Grüşch)
- 16.09.2015: conferenza pastorala (studi dals confirmands)

Colloqui X Tavau-Alvra

- naginas comunicaziuns

17. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch d'impiegad(a)s ecclesiastic(a)s e da

collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas communicaziuns pon vegnir agiuntadas al protocol u er vegnir communitgadas separadamain ed en scrit al viceactuar dal Cussegl da baselgia: Rüdiger Döls (adressa en l'aggiunta). Giubilars e giubilaras survegnan sper la renconuschientscha da la plaiv u dal colloqui in document dal Cussegl da baselgia. Tgi che ha lavurà dapli che 20 onns per ina plaiv e sa retira ussa, po er vegnir communitgà. Er el/la survegn in document.

Igl è indispensabel, che las communicaziuns cuntengan ils numns entirs e l'adressa precisa. Plinavant sto vegnir notads la funcziun ed ils onns precis dal servetsch.

18. Chalender da las collectas 2016

Il Cussegl grond evangelic ha en sia sessiun dals 11 da november 2015 fixà las collectas per l'onn 2016. Il chalender da las collectas sco er infurmaziuns detagliadas tar las collectas pon ins clamar da la website da la baselgia chantunala (adressa en l'aggiunta).

19. Proceder tar pravendas vacantas

Sin la homepage da la baselgia chantunala chattan ins in fegl d'infurmaziun davart il proceder recumandà tar la tscherna d'in nov reverenda (adressa en l'aggiunta).

20. Sessiuns dal Cussegl grond evangelic 2016

- Mesemna, 01.06.2016 (suntermezdi), sala Cussegl grond
- Mesemna, 09.11.2016 (di entir), sala dal Cussegl grond

21. Sesidas dal Cussegl da baselgia 2016

Il Cussegl da baselgia fa mintga mais ina sesida. Dumondas al Cussegl da baselgia duain ins communitgar silmain trais emnas avant la sesida respectiva a l'administraziun.

Termins da las sesidas 2016: 28 da schaner, 25 da favrer, 17 da mars, 14 d'avrigl, 19 da matg, 9 da zercladur, 7 da fanadur, 25 d'avust, 22 da settember, 27 d'october, 17 da november, 15 da december.

22. Termins dals colloquis da primavera 2016

Colloqui I	Sur igl Uaul	16 da mars
Colloqui II	Schons-Avers-Val Rain-Mesauc	16 da mars
Colloqui III	Sut igl Uaul	16 da mars
Colloqui IV	Cuira	8 da mars
Colloqui V	Signuradi – Tschintg vitgs	6 d'avrigl
Colloqui VI	Scanvetg - Churwalden	15 da mars
Colloqui VII	Engiadin'Ota - Bregaglia - Poschiavo - Surses	16 da mars
Colloqui VIII	Engiadina Bassa - Val Müstair	6 d'avrigl
Colloqui IX	Partenz	6 d'avrigl
Colloqui X	Tavau - Alvra	16 da mars

23. Termins dals colloquis d'atun 2016

Nus supplitgain ils actuars e las actuaras da notar en il protocol ils termins dals colloquis d'atun 2016.

24. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en matg. Las actas respectivas vegnan tramessas en avrigl.

Nus essan cuntents sche Vus tramettais pli svelts pussibel ils protocols en furma electronica (sche pussibel sco datoteca


word) al viceactuar dal Cussegl da baselgia, Rüdiger Döls (adressa en l'aggiunta).

Ils protocols sin palpieri incl. aggiuntas èsi da suttascriver e da trametter enfin ils 15 d'avrigl 2016 er al viceactuar dal Cussegl da baselgia.

Preavis: Ils protocols dals colloquis d'atun 2016 èsi d'inoltrar enfin ils 30 da settember 2016.

Cuira, en december 2015

Cussegl da baselgia chantunal



Andreas Thöny
president



Kurt Bosshard
actuar

Agiunta (adressas)

actuar dal Cussegl da baselgia

Pfr. Kurt Bosshard

Loëstrasse 60

7000 Chur

081 257 11 00

kirchenratsaktuar@gr-ref.ch

viceactuar dal Cussegl da baselgia

Pfr. Rüdiger Döls

Loëstrasse 60

7000 Chur

081 257 11 00

ruediger.doels@gr-ref.ch

post d'instrucziun da religiun

Pfrn. Ursula Schubert

Loëstrasse 60

7000 Chur

081 252 62 39

ursula.schubert@gr-ref.ch

homepage da la baselgia chantunala

www.gr-ref.ch

fugitivs

www.gr-ref.ch/fluechtlinge

infurmaziuns collectas

www.gr-ref.ch/kollekten

pravendas vacantas

www.gr-ref.ch/pfarrvakanz

bursa da piazza instrucziun da religiun

www.gr-ref.ch/stellenbörse

infurmaziuns diaconia sociala

www.tdsaarau.ch (Theologisch-Diakonisches Seminar Aarau)

www.hfgemeindeanimation.ch (Höhere Fachschule für Gemeindeanimation, Luzern)

infurmaziuns generalas al mastergn diaconA socialA:

www.berufsberatung.ch (inditgar: Sozialdiakon u: Sozialdiakonin)

www.dachverbandsozialdiakonin.ch (Downloads: Berufsbild Sozialdiakon/-in des Dachverbandes für Sozialdiakone und -diakoninnen)